



Det blir ny inngang under byggjinga - litt lenger til høgre på butikken

SPAR synest at det er utruleg spennande at dei har kome så langt med byggjeprosessen og ser fram til eit samarbeid med gode firma i Uskedalen. Det gjev dagleg leiar Bente Nilsen utrykk for når utvidinga av butikken no skal i gang for alvor.

Førebels er 2

uskedalsfirma valde som entreprenørar. Det er Byggpartner AS ved Frode Bu i samarbeid med Uskedal Trelastlager og Musland Maskin AS ved Roar og Tore Musland. Prosjekt Konsult Kvinnherad ved Knut Magnar Teigen har driftsansvaret i byggjetida.



[Parkeringsproblem blir det heller ikkje, lovar leiinga.](#)

Det er starta rydding slik at alt skal vera klart for byggjestart 2. januar.

Det første som då skjer er at det blir skåre hol i veggjen mot skulen og montert ein mellombels inngang der.

Det vil vera inngangen heilt fram til nybygget er ferdig. Bak kassane der inngangen er i dag vil det bli laga ein midlertidig vegg og deretter blir dagens inngangsparti og veggen revent.

I veke 2 startar så utgravinga av byggjegropa der nybygget skal komma.

- Vi er sjølvsagt svært spente på oppstarten. Det vil bli litt støy og sikkert litt rot, men vi skal gjera vårt beste for at det skal gå så smertefritt som mogeleg og at kundane ikkje skal lida under byggjetida, lovar Bente

- Men parkeringa kan vel bli eit problem?

- Vi håpar ikkje det. Ved starten av anleggstida vil den noverande parkeringsplassen bli stengt, men alle er velkomne til å parkera på den nye plassen.

Det blir også mogeleg å parkera langs byggjegerdet og langsida på butikken, opplysar Bente.

Tekst og foto: Ola Matti Mathisen